



30. oktober 2018

UKA2018/175

Nuup Sisimiut Ilulissat Qaqortullu avataatigut illoqarfiit mikinerit aningaasarsionnikkut ineriartornissaat pillugu, kommunit suleqatigalugit, pilersaarusiortoqarnissaa suliareqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Pilersaarusiaq kingusinnerpaamik UPA 2020-mi Inatsisartunut saqqummiunneqassaaq.

(Aleqa Hammond, Nunatta Qitornai)

Anders Olsen Siumumeersoq naalakkersuisunut peqqusivoq nuna tamakkerlugu inuussutissarsionnermut ineriartortitsinissamik pilersaarusioqqullugit, tamannalugooq pissaaq kommunit qanimut suleqatigalugit.

Inuiaqatigiit ataasiuvugut, pisinnaatitaaffivut ataasiupput, qinersivipput ataasiuvoq aammalu naalakkersuisut inatsisartullu nunamut ataatsimut sullissisussaapput. Ataatsimut isiginninnissaaq aamma tamanik immikkoortitsinngitsumik periuseqarnissaaq pingaaruteqarluinnarpoq.

Siunnersuuteqartup tunngavilersuuteqarnermini erseqqissaassutigaa ukiorpasuarnermi politikikkut suliaqarnermi oqaaserpassuit torrassuit ineriartortitsinissamik siunnerfillit tusarneqartartut isorliunerusunut illoqarfinnillu minnerusunut asuli isumallualersitsiinnartartut.

Ullumikkut ineriartorneq eqqarsaatigigaanni pisortat allaffeqarfii ingerlatsiviilu aaliangiisuulluinnarput illoqarfinni tassani ingerlatsivigisaanni. Taakkunani akileraarutitigut isertitaasarput kommunip iluaqtigisaa, suliffissaaleqineq appasinnerusarput suliffissaqartitsiviummat aammalu katiteruffiusarput ineriartortinneqartarmata.

Inuiaqatigiinni ullumikkut nunatta aningaasaliorfiaat tassaavoq aalisarfiit, qaleraleqarfiit, tunitsivillit aammalu takornariaqarnikkut neqeroorutigissaartut eqeersimaartullu. Nunatta aningaasaqarneranut qitiupput aammalu nunatta aningaasaqarneranut tunaartaapput, taakkoqanngitsuupput tassaaq galuarpoq nunarput aningaasarsiorfikitsuaraq. Taamaattoq aningaasaliorfissuit inerisarneqarnerat annikitsuinnaavoq, sanaartorneq pisortanit ingerlanneqartoq annikitsuinnaavoq aammalu taakkunanit illoqarfinnut annernut nutserneq annertuneruvoq. Ineriartorneq taamaattoq ugornanngitsuinnaranit nunatta equgasumik ingerlajartorneranut takussutissaavoq.

Tulluusimaarluni nunagisami inooqataajumaneq, inerisaaqataajumaneq aammalu siunissaqarluni misigisimanissaaq tassaali inooriaatsitsinneq illersuineq, piffiit inerisarfigisaani aningaasaliiumasuseqarfiuli aammalu nunaqqatitta nunagisamik siunissaqarneranik akisussaaqataaffiuli.

Nunatta Qitornai

Inatsisartuni



Aasaq manna Folketingip nunarput pillugu ataatsimiititaliaa peqatigalugu avannaani angalanitsinni ilanngullugu Uummannap sullianiippugut. Innuttaasunik ataatsimiititsinitsinni inuussutissarsiortut ilanngullugit naapippavut ataatsimeeqatigalugit. Inuussutissarsiortut oqariartutaat ilungersunartoq ataasiinnaavoq tassalu; Pisortat ineriartortitsinngillat, pisortat peqataatitsinngillat aamma pisortat qanoq pilersaaruteqarnersut ilisimanngilarput. Inuit taakku naapitavut namminersortuupput aammalu namminersornerminni inuussutissarsiorniarnerminni imaannaanngitsumik tunniutiinnajuis-suseqarput aammalu siunissami namminersortutut ingerlaannarusukkaluarput. Taamaattorli oqaatigineqarpoq pisortat ingerlatsinermi qanoq pilersaaruteqarnerat aammalu peqataatitsinerat nalorninaruttormat siunissartik qanoq ittuunersoq ilsiimaarinagu nalorninartunillu atugaqartuar-nertik peqqutigalugu namminersortuujunnaarnermik kinguneqartoq.

Maani inersuarmi aaliangertakkavut, aningaasanut inatsit aqputigalugu isumaqatigiinninniarnermi piumasaaqatigisartakkavut aammalu siunnerfiit qanoq kingunerisinnaasai eqqarsaatigalugit sunni-utissat nalilersorluartariaqarnerisa pingaassusaat takusinnaasuartariaqarparput. Innuttaasunut atu-gassaqartitsinerput aammalu siunnerfeqartitsinerput eqqummaariffigisariaqartigu.

Oqanngilagut pisortat sasassaqartitsissasut aammalu suliffeqartitsiuaannassasut. Oqarpugut pisor-tat suniarnertik erseqqissumik oqaatigiuartariaqarpat. Sumiiffitsinnut qanoq eqqarsaatersuuteqar-pat, aningaasaliissutissat nalornissutigineqarpat, siunissaq qaninnerusoq ungasinnerusorlu nunar-put sumut ingerlanneqartussatut takorloorneqarpa aammalu kommunit ineriartorfiusinnaaneri qanoq isikkoqarpat. Apeqqutit inuiaqatigiinnit qaqinneqartartut amerlalluinnarput ilaqtariillu si-unissaqarniarnerninut aaliangiisut akissutissarsissutigineqartariaqarput.

Pilersaarut erseqqissoq pigineqarpat, inuussutissarsiortut siunnerfimmuut ilsimaarinnissapput, akuujumasut kajumissapput siunissamullu pilersaaruminarnerusumik ingerlaffeqassuugut. Atugas-sat peqataaffiutitsisut, akisussaaqataatitsisut aammalu piginneqataaffigissallugit misigititsisut pisariaqartippavut.

Taamaammat siunnersuut taperserparput inuussutissarsiuteqarnermullu ataatsimiititaliamut inger-lateqqillutigu.